



DABARSKE PEĆINE

Dabarska pećina se nalazi na prostoru općine Sanski Most, Bosna i Hercegovina. Smještena je uz izvor riječice Dabar u istoimenom selu. Jedan od izvorišnih krakova Dabra ima povremeni izvor unutar same pećine. Pećina je neistražena i niko pouzdano ne zna koliko je duga i duboka. Pri samom ulasku u pećinu otvara se ogromni unutrašnji prostor, a što se ide dalje u njenu utrobu, nailazi se na vodu čija su jezera obilnija za vrijeme kišnih i sniježnih perioda. U vrijeme obilnih kiša stvara se veliko jezero koje onemogućava ulazak dublje u pećinu. Dabarska pećina ne obiluje pećinskim ukrasima, stalaktitima i stalagmitima. Arheološkim istraživanjima došlo se do saznanja da je pećina nastanjivana u prahistoriji, obzirom da su pronađeni predmeti koje su u svakodnevnom životu koristili naši preci. U blizini su pronađeni i ostaci sojeničkog naselja i pretpostavlja se kako oni potiču iz perioda Ilira.

Flora i fauna

Tokom speleoloških istraživanja u nekoliko pećina Bosne i Hercegovine 2016. godine potvrđeno je stanište pećinskih pauka *Nesticus arenstorffi*, *Lepthyphantes centromeroides* i *Metellina merianae*.^[4] Stanište je pećinskih škampa vrste *Troglocaris bosnica* koji su pronađeni samo u ovoj pećini i pećini Suvaja kod Lušci Palanke.

Prilikom naučnih istraživanja od prije nekoliko decenija, u jezeru, koje se nalazi u unutrašnjosti pećine pronađena je „čovječija ribica“, endemska vrsta iz prahistorije koja je opstala jedino u izuzetno čistim vodama i mračnim prostorima..

Tekst i slike obradio: Igor Pečenković, dipl.ecc.hot.

Izvori: HAMDIIJA KREŠEVLJAKOVIĆ STARI BOSANSKI GRADOVI Godišnjak Zemaljskog zavoda za zaštitu spomenika kulture i prirodnih rijetkosti N. R. Bosne i Hercegovine, 1953

Stari gradovi Bosne i Hercegovine, Stari gradovi Unsko-sanskog kantona, „Zavod za zaštitu kulturnog naslijeđa USK“ Bihać

